



Broj: **03/1-50-14-7-47/18**

Sarajevo, 15.5.2018.

PREDMET: Sastanak članova Zajedničke komisije za odbranu i sigurnost BiH s komandantom EUFOR-a, Sarajevo, 6. mart 2018. godine

Članovi Zajedničke komisije za odbranu i sigurnost BiH su 6. marta 2018. godine održali sastanak s generalmajorom Antonom Waldnerom, komandantom EUFOR-a u BiH.

Sastanku su prisustvovali Sifet Podžić, predsjedavajući, Borislav Bojić i Borjana Krišto zamjenici predsjedavajućeg, Hazim Rančić, Šemsudin Mehmedović, Bariša Čolak, Hanka Vajzović i Mario Karamatić, članovi Zajedničke komisije, parlamentarni vojni povjerenik BiH Boško Šiljegović, kao i saradnici komandanta EUFOR-a.

Tokom sastanka razmijenjene su informacije o aktivnostima Zajedničke komisije u 2017. godini te o programu rada u 2018. godini. Generalmajor Waldner upoznao je članove Zajedničke komisije s misijom i težištem u radu Komande EUFOR-a u BiH u 2018. i 2019. godini.

Članovi Zajedničke komisije su tokom razgovora naglasili da će se u 2018. godini u sektoru odbrane fokusirati na praćenje procesa transparentnog trošenja budžetskih sredstava i procesa javnih nabavki, aktivnosti u vezi s uništavanjem viškova naoružanja, municije i MES-a, na stanje personala i ljudskih prava u Oružanim snagama BiH, na opremanje Oružanih snaga BiH, rješavanje pitanja uknjižbe vojne imovine te na proces implementacije dokumenta Pregled odbrane.

U sektoru sigurnosti težište će biti na daljnjem provođenju aktivnosti u poboljšanju saradnje i koordinacije u radu policijskih agencija iz sastava Ministarstva sigurnosti BiH, praćenju aktivnosti Sektora za zaštitu i spašavanje iz sastava Ministarstva sigurnosti BiH, koji treba da rade u skladu sa Zakonom i opredjeljenjem da se pomogne našim građanima u kriznim situacijama i eventualnim elementarnim nepogodama.

Generalmajor Anton Waldner je s članovima Zajedničke komisije razmijenio mišljenje o brojnim pitanjima te je konstatirano da treba nastaviti i ubuduće razmjenu mišljenja s ciljem

stvaranja sigurnog okruženja za život i rad građana Bosne i Hercegovine te se fokusirati na izvršenje misije i obaveza koji su pred svim subjektima u sektoru odbrane i sigurnosti.

Posebno je obrazložio aktivnosti Komande EUFOR-a u saradnji s MOBiH i OSBiH, a koje se odnose na nastavak procesa uništavanja viškova municije i MES-a, proces deminiranja, aktivnosti u vezi s daljnjom sanacijom infrastrukture u kojoj se čuva naoružanje, municija i MES, aktivnosti na efikasnijem angažiranju nadležnih institucija u pomoći stanovništvu tokom elementarnih nepogoda, te pojačane aktivnosti pripadnika EUFOR-a u procesu obuke pripadnika OSBiH.

Posebno je naglasio značaj daljnjeg osposobljavanja PSOTC-a - Centra za mirovne operacije OSBiH, Centra za pripremu pripadnika OSBiH za učešće u mirovnim operacijama - operacije podrške miru, te nabavke opreme koja će pomoći svim subjektima sektora sigurnosti u stvaranju sigurnog okruženja za život građana.

PREDSJEDAVAJUĆI KOMISIJE
Sifet Podžić

Dostavljeno:

- naslovu
- a/a